

畿

輔

安

瀾

志

畿輔安瀾志

潞陽河一卷

原委

隄防

橋渡

祠廟

水利

畿輔安瀾志

臣王履泰忝纂

滏陽河一卷

原委

滏陽河本名滏水在磁州境

續漢書郡國志鄴有滏水劉昭補注水經鄴西北

滏水熱故名滏口 通典滏陽有滏水隋置磁州

滏音父 九域志滏水圖經云泉源漢湧若湯焉

方輿紀要滏水出滏山在磁州西北四十五里  
所謂滏口之險也亦謂之滏陽河

謹案元和郡縣志滏陽縣本漢武安縣地魏黃初  
三年分武安立臨水縣屬廣平郡以城臨滏水故  
曰臨水以城在滏水之陽亦曰滏陽周武帝於此  
別置滏陽縣屬武安郡開皇三年廢郡縣屬相州  
十年於此置磁州滏陽屬焉元史河渠志滏河者  
引滏水以通洛州城濠者也至元五年十月洛磁

路言洛州城中井水鹹苦居民食用多作疾且死者衆請疏滌舊渠置壩閘引河水灌洛州城濠以濟民用計會河渠東西長九百步中書省准其言是則滏河者引滏水以入城濠卽今廣平府城外之河非滏水通稱也至滏陽爲縣名以其在滏水之陽也今乃以被之滏水不知始自何時意相沿俗稱未之察耳

其源有二一出州西南四十里之神麋山一出州西

北四十五里之鼓山

山海經北山經又北三百里爲神麇之山溢水出焉而東流注於歐水郭璞注麇音如倉困之困溢水今出臨水縣西溢口山經鄴西北至列人縣入於漳其水熱淮南子地形篇溢山景山高誘注景山在邯鄲西南溢水所出南流入漳其源浪沸湧出勝如釜中湯故曰釜一水經注溢水發源出石鼓山南岩下泉源奮湧若釜之揚湯矣其水冬

溫夏涼崖上有魏世所立銘水上有祠能興雲雨

東流注於漳

今本無見  
太平御覽

左思魏都賦北臨漳滏

則冬夏異沼神鉅迢遰於高巒靈響時驚於四表

劉淵林註漳滏二水名經鄴西北滏水熱故曰滏

口水有寒有溫呂周翰注鄴西北有鼓山上有石

鼓之形俗云時時自鳴故稱靈響 元和郡縣志

滏陽縣鼓山亦名滏山在縣西北四十五里滏水

出焉八陁第四曰滏口陁山嶺高深實爲險阨

方輿紀要溢山在武安縣東南二十里卽溢口太行第四陁也亦曰鼓山淮南子亦謂之景山 太平寰宇記宋永和初古今山川記鼓山有石鼓形二所南北相當冀州圖經云鄴城西有石鼓鼓自鳴卽有兵魏都賦神鉦迢遰於高巒是也 唐平

府志神麕山在磁州西四十里有鼓山對峙形如麕鹿故名山下有黑洞石隙吐泉滾滾如沸可飲十里 明楊性黑龍洞碑記黑龍洞者溢水源也



溢水有二一出彭城東北北山下隔水西面復有  
山自北去稍折而東爲腐山下有黑龍洞水從山  
根散出如萬斛珠璣狀與北山水合流東注卽溢  
水也北泉遇旱常涸而黑龍水不加損則溢水之  
正源矣

其出神廟山者東北流二里逕臨水村與鼓山之水  
會

天輿紀要臨水城在磁州西北三十里晉置縣於

湓口之右唐於臨水故城置昭義縣屬磁州

其出鼓山者東南流三里半則有八字澗在州西北  
七十里自山西分流東南流入焉亦至臨水村與神  
麝山之水曾雙流合一有廣盛泉水東流入焉又東  
南流十五里至九龍口則羊渠河水入焉又東南流  
十八里則泥河水入焉又東南流四里逕西閘播爲  
五瓜渠玉泉之水入焉

磁州志泥河在州西十五里其源發於本村街西

從沙石小橋下出泉流百十餘步卽止遇秋水發時經東武仕西北入湓河羊渠河在州西三十里其源發於木村西半里許西北角有一微泉流至村南卽止遇秋水發時從村南流至泉子頭東南由九龍口入湓廣泉盛在州西四十里西紙坊西水出神麋山東流入湓

譴案五瓜渠今名中渠首起磁州西十里之響水梁村湓陽河北岸東北流分爲五支一北流四東

流北行者行十里折而東北流又二十里逕州城  
東北十二里之高輿村仍入滄陽河其東流者一  
東流十里逕州城西南隅入於城濠復於州城東  
北隅流入滄陽河一東流十二里逕州城北之永  
濟橋又東流四里仍入於滄陽河一東流八里與  
前一支會而達於永濟橋一東流八里逕御射亭  
又東流八里仍入於滄陽河明洪武間知州包家  
達開以形似名玉泉一名溢泉一名玉泉池在磁

州西北二十里之湓泉營方一畝平地湧出東流  
逕曲溝村入五爪渠

又東南流十六里逕州城南五里繞而東折而北流  
逕州城東又北流凡三十六里逕東閘分支爲西東  
北三渠

謹案北大渠在磁州北二十里首起五爪渠湓陽

河北岸東北流分爲南北二支亦名曲溝

廣平府志曲溝

以水流盤曲故名

皆東北流凡三十里逕梁王橋復合爲

一又東北流十里逕州東北二十五里之琉璃鎮  
仍入於滏陽河先是漳水決於州北開河村與滏  
河合流五瓜渠淤塞明成化中州判張埕塞其交  
會之口漳徙去乃復濬渠萬歷中知州孫健於五  
瓜渠下二里許槐樹村築石爲閘復於舊渠之北  
開此渠導流訖於梁王橋知州趙範復於梁王橋  
東渠流長一千三百餘丈東入滏陽河南大渠在  
磁州西南五里首起州西北十里之西閘滏陽河

南岸東南流逕西樹村張家莊磨里村馬場溝凡  
二十里達於州城五里鋪折而北流逕偃月橋仍  
入於滏陽河明萬厯中知州牛淮亦開東渠在磁  
州東北三十里首起州東北二十五里東闡滏陽  
河東岸東流四里分爲二其分支南流者曰南渠  
長十里其正支北流者曰北渠逕李莊營小馬莊  
郭家小屯南鄭家莊凡三十里仍入於滏陽河明  
崇禎中知州李爲珩倣西閘之制建東閘於州東

北二十五里琉璃村開東西一渠仍入於潞陽河

又案三渠所屬之渠舊渠一道新渠大小三十

二道曰高臾渠

在高臾村東南

曰七里鋪溝

自大路西起至劉家莊北

口長二里

曰十里鋪郵亭前渠

自小營店起至郵亭止長七里

曰黃官營渠

引小營店東渠水由楊家樓東北流至十里鋪郵亭大路歸水溝長三里

曰十里鋪西渠

自十里鋪西南起至十五里鋪五里渠止入大路溝長四里

曰

慶澤新渠

自十里鋪東北常家墳西起至高臾西止長五里

曰十里鋪北

大路西高臾溝

自五里渠東起至大路止長二里

曰高臾西新溝



自北大路至鳳渠長半里曰高輿村新渠因舊渠地勢低窪改濬此溝下流仍

歸舊渠長百步曰新隄北溝自五瓜渠西新隄之北起至十五里堤止長三里曰

半里舖南往泉渠自北開河起由馮家莊小李家莊至大路止長五里曰中

開河四渠自朱家莊起東至龔家墳曰北開河新渠自龔家墳東北由朱

家莊台家莊亦名朱台莊長四里曰五里舖往東北渠自甘草營起由馮家

莊王家莊至大路止長五里曰甘草營渠自三里橋西接水西流至營後入濬長十

里曰良方橋南渠由小侯台北入於濬長二里半曰永旺村北溝

自大渠起至李家墳前止長二里六十步曰紅溝自小光祿東南起至梁王橋止長七里

曰小光祿北溝

自小光祿小路起至組溝長一里半

曰十五里鋪溝

自小光祿東起至十五里鋪止長四里

曰梁王橋往東大溝

自梁王橋起由

杏園營東小琉璃南至下琉璃止長十二里

曰梁王橋新堤南注東溝

自大路起由開南村入滄長三里

曰梁王廟前溝

自杜村南起至大溝止長三里

曰河北村渠

自河北村起由城基村北獨村張兒莊止長十四里

曰屯莊等

村溝

自獨岡起由南左良鄭家莊至屯莊西止長八里半

曰左良水溝

自南左良

至大渠止長一里

曰南二里半鋪溝

自灣漳營東北起至二里半鋪止長三里

半

曰雙碑口溝

自灣漳營東起至雙碑口止長三里半

曰五里鋪南

溝自灣漳營東南王家墳後起曰李家莊北溝自

七里舖李家莊北起至大路止長半里曰李家莊南溝自李家莊南起至大路止

長半里曰南十里舖郵亭北渠自十里舖起至六里舖止接入路西溝長

三里曰三里屯西溝由王家莊魏家莊常家莊之南至偃月橋東小莊止長六里

以上各溝渠皆自康熙三十六年至四十八年知

州蔣擢所開又外自狼圪塔溝首起磁州東狼圪

塔村東南西北行五里入滏陽河以洩木村瀝水

平時爲乾溝乾隆四年村民自開

又北流二里逕屯莊則有牯牛河合賀蘭河水自州西北東流入焉

磁州志牯牛河在州西北三十五里其源有二一自本州將村起東流逕西彭廂東彭廂西五女東五女等村爲北河一自林壇鋪西起東流逕西范村東范村爲南河二水至落子村交會一處合流逕東賀蘭西賀蘭白村林峯車腳村三十五里河興盛村所坊營小營郭家莊至東城橋流入湓河

賀蘭河在州西北三十里其水從賀蘭山出東南入淦河

謹案良鄉縣廣陽鹽溝二河合流爲牯牛河一統志謂以水漲奔騰衝突故土人謂之牯牛河則是牯牛者凡奔突之水皆可通稱也此牯牛河或以爲卽漢志武安欽口山之白渠水考水經注白渠東合抱澗水牛首山水豈因是有牯牛之名歟又邯鄲縣西北有牛照河俗名牛叫河豈又因牯牛

而名歟然道元明云白渠故瀆南出所在支分逕  
列人右會漳津今無水則是水久已不可考矣又  
白渠入漳不云入滏一統志云今邯鄲以下滏陽  
河所經蓋卽白渠故道則是白渠本入漳後乃爲  
滏奪也而古之滏水意當在邯鄲以上卽已入漳  
元時郭守敬言磁州東北漳滏合流也前此可知  
矣是滏流固甚短也且漳滏合流是又漳水奪滏  
也此自昔所患故治漳者必泠漳還故道則是滏

水在昔入白渠白渠下流乃入漳也昔人故以白渠爲大水以滏爲小水故詳著白渠而略滏水歟姑存其說以俟考辨

又北流五里則有澗河自州西北東流合波水溝入焉又北流四里逕張家莊入邯鄲縣南

磁州志澗河在州西北四十里發源自河口涇安河村陸開村北城南城村西郝村東郝村河北村城基村南張兒莊東北入邯鄲縣北入滏陽

謹案澗河東流三十六里逕河北村波水溝入焉  
波水溝起州西北四十五里卽新渠內之河北村  
渠也東流逕趙拔莊張二莊入之又案澗河或  
以爲卽水經注之拘澗水也水經注白渠水出魏  
郡武安縣欽口山東南流逕邯鄲縣南又東與拘  
澗水合水導源武始山白渠北俗猶謂是水爲  
拘河也漢書地理志魏郡武始縣拘澗水東北至  
邯鄲入白渠今此河發源磁州西北爲武安邯鄲



接壤之區東北流入邯鄲縣南境注滏陽河正與  
水經注漢書合蓋今之邯鄲兼有武始之地古武  
始在邯鄲縣南安知不兼有磁州北境之地又安  
知非卽太白渠之道又道元以拘澗爲拘河今以  
拘澗爲澗河均是土俗之稱其說亦似也然考水  
經注白渠亦叙於水經漳水東過列人縣南下又  
引地理志曰白渠東至列人入漳而太白渠亦稱  
白渠水則又叙於水經漳水又北過堂陽縣西下

又引地理志所謂首受綿蔓水者也而歷敘諸水  
所經並不及邯鄲又漢書地理志白渠屬魏郡武  
安太白渠屬常山郡蒲吾則曰渠太白渠明是兩  
水不可混也又水經滏水篇已亡而漳水篇中又  
不及於滏其言白渠既據漢志明言入漳則非入  
滏或疑漢志魏郡武始云漳水東流入漳滏有拘  
澗水東北至邯鄲入白渠之文以漳水爲滏水之  
譌則是改書以就已也考漳水本有清濁二漳水

經清漳水東至武安縣入於濁漳此卽漢志武始  
之漳水東流入漳也豈得以漳爲滏且卽誤以滏  
爲漳而白渠自入漳不云入滏也又詳觀水經注  
水獮源武始東山句白渠句北俗猶謂是水爲拘  
河也蓋因白渠得拘澗故北人卽稱白渠爲拘河  
方輿紀要云白渠俗猶謂是水爲拘水也是也若  
以白渠連東山讀作一句則是白渠流爲拘澗何  
云白渠與拘澗合耶且河名拘澗稱拘河猶存本

名若稱澗河則水之稱澗者多矣又何以知其必  
爲拘澗耶惟以牝牛爲白渠則是水當爲拘澗水  
矣正不當攀援太白亦不必改漳從滏也

又北流東轉十四里又屈而西北流十二里又北流  
東轉十六里逕羅城頭則有渚河自縣西東流入焉  
又北流十六里逕邯鄲故城東

謹案渚河在邯鄲縣南五里

邯鄲縣志渚河在城南五里許夏秋之交

西南諸村各渠泛共入此河舊自城南龐村前越  
官道而東逶迤入滏後故道漸淤泛漲時水强半

由官道而北 其上游有二一自縣西南二十五里

之蘭家河一自縣西三十里之蘭家河方輿紀要

云以近蘭相如故宅而名又西十里皆發源於紫山

太平寰記武安縣紫山唐天寶六年改爲朱衣

山之下有水北流廣平府志紫山在邯鄲縣西

北三十里一 二河合流而東東北流十里折而西

南逕羊井村又折而東北流二十里逕趙王城北

二統志邯鄲故城在今邯鄲縣西南魏書地形志

臨漳縣有邯鄲城是也 名勝志邯城在今治西

南八里俗呼 又東流十里逕羅城頭入滏陽河

又案渚河或以爲卽水經注之牛首山水考水經  
注白渠又東又有牛首水入焉水出邯鄲縣西堵  
山東流分爲二水洪湍雙逝澄映兩川又東澄而  
爲渚沁水東南流注拘澗水又東入白渠又東故  
瀆出焉一水東爲澤渚由梁縣之雞澤也方輿紀

要西河邯鄲縣東二十五里源出紫山

賈葛潭溝在永年縣

北首也惠民關東北流三里九十二丈入於小漳  
河以洩賈葛潭隄內之水此潭自明末禦流賊決  
水入隄護城之後至今隄內無有乾涸之日秋一  
雨行時我有旣慢之滄乾隆二十八年動帑開一

名渚沁水今城南五里有渚河城西半里許有沁  
河卽水經注所云牛首山水明統志西河一名渚  
沁水名勝志渚沁二河卽古牛首水也一統志渚  
沁二水亦名西河卽古牛首水拘澗水也則是牛  
首水兼渚沁二水而渚沁二水又兼牛首拘澗二  
水也水經自有沁水篇沁出上黨至滎陽入河此  
何以又有沁水之名或以爲沁字疑卽渚字則是  
東澄而爲渚與東爲澤渚義同以其爲渚卽以渚

名之以爲渚沁水者非也乃紀要則明其爲實有  
渚沁二水則又何以不以沁爲牛首水而必屬之  
渚耶諸志亦知其說之難通故仍以渚沁水混稱  
似水經注原文本如是也據水經注牛首山水出  
渚渚與渚字形相近渚或渚之譌未可知然無確  
証如據水經注牛首水東流分爲二水之文則分  
作渚水沁水爲是然水經注固云東流出城又合  
城一川又東澄而爲渚沁水則渚沁水實二水合



一之稱斯水未合之先何不著其孰爲渚孰爲沁  
耶此皆不能強爲之說者沁河辨見下

又北六里逕蘇曹村則有沁河自縣西合牛照河東  
流入焉

方輿紀要巖嵒河在邯鄲城西北二十里又十里  
爲牛照河此二水同歸沁河下流俱入於滏陽河  
邯鄲縣志巖嵒牛照二河水本細微夏秋之交  
西北諸村各渠泛漲共入此河下流沁水急則浸

城緩則潦地爲害甚烈

謹案巖崙河源出紫山東北流逕店子灣石坡村  
張家莊師家莊南牛叫李家莊凡十二里會牛照  
河俗名牛叫河源出紫山東流八里逕牛照村會  
巖崙河下流爲沁河 又案沁河專名見於方輿  
紀要名勝志蓋仍水經注渚沁水之文也方輿紀  
要云城南五里有渚河城西半里許有沁河考明  
正統中知府華津知縣韓駟因馬服岡之水爲城

患曾開新河使之改流大學士李東陽作記云廣平之屬縣曰邯鄲在府治西南五十餘里漳溢二水抱其左葛堵邯紫諸山環其右有泉出於紫山曰渚沁水東趨數十里抵縣城始折而北每秋雨暴至勢極湍悍城輒壞無錫華君來知府事以爲河流不改則終無善策相地勢溯流而上可里許改河故道避城而北以入於漳凡爲新河七百二十丈深丈有八尺闊十丈五尺則去城半里者卽

所開之新河豈因新而附會爲沁歟卽李記亦仍  
水經注渚沁水之文可知沁水未嘗有專名也又  
記云避城而北以入於漳其時漳溢合於磁州城  
北溢名爲漳所奪故言漳不言溢

又北流東轉十六里又屈而西北流十里又折而東  
北流十里逕馮村則有輸黿河自縣西北東流入焉  
方輿紀要輸黿河在邯鄲縣西北二里或云洺河  
支流也其水秋夏之交散注田疇或抵城下與沁

同流相傳元至正間有龍龜鬪於澤中龍勝而龜負故名

謹案輪龜河源出縣西北山下俗呼興龍泉自縣西北之周家窑河流始著東南流逕黃家窯姜家窯北高岡南高岡聶家莊凡十八里又折而東北流十六里逕呂仙祠俗名黃梁夢

廣平府志在邯鄲縣北二十里

王化鋪又東流四里至馮村橋入滏陽河

又北流三里則有柳楊河自縣西北三十里之兩岡

村東南流二十里逕蘇里闌入焉又東北流十二里逕唐家屯入永年縣西南境又名柳林河

明史地理志永年縣西南有滏水自河南臨漳縣流入亦曰滏陽河 方輿紀要永年縣滏水在府西南五里自邯鄲縣流入界俗謂之柳林河

又東流十二里逕永年縣西境其分支爲小滏河一

名舊滏河一名牛尾河一名劉累河

詳大陸澤篇

又東流

十五里逕廣平府城南其分支環城爲濠又折而北

流逕郡城東凡十里又折而東北流二十里逕于家寨入曲周縣西南境

明史地理志曲周縣東有滏陽河 方輿紀要曲周縣滏陽河縣東一里自永年東一北流逕縣南又東北入平鄉縣境下流合於洺河舊時雨潦輒有暴溢之虞冬夏之交膜涸爲患萬厯初漳水決溢於大名府魏縣界奔流北出至縣八里蘇河寨挾滏河而經縣東勢盛流駛非復故瀆也

又東流八里逕溢陽集得漳河支流故迹

方輿紀要漳水在曲周縣三十里自河南臨漳縣  
流入府境經成安廣平肥鄉三縣而至縣界 二  
統志漳水自磁州以下歷代遷徙不常水經注元  
和志所載在肥鄉曲周雞澤平鄉之地本與溢洛  
諸水合流宋時始於上流引注衛河明永樂中復  
與溢河合流正德中又南徙經魏縣入衛萬歷十  
六年復北徙後分二支一逕成安肥鄉一逕邯鄲



永年皆至曲周合滏陽河

謹案漳河故道在曲周縣西南二十里順治八年  
自永年縣班家莊流入境今已久涸其河首起磁  
州東北二祖村分東西二支東支由州北北行入  
成安縣西北境逕肥鄉縣境西達永年縣南境西  
支亦由州北北行入邯鄲縣東南境逕永年縣西  
南境二支皆由永年縣南十里之吳良寨合流又  
東北行入曲周縣西南境之丁町店又北行二十

里逕湓陽集入湓陽河

又東北流二十里逕曲周縣城南折而北流繞城東八里又北流十八里逕舊城營入雞澤縣東南境

二統志曲周縣城周五里門四引湓水爲濠廣四丈餘雞澤縣志會盟臺在縣東十五里舊城營

羅案因收事而附會爲亭臺習俗之陋是處有之此蓋因春秋雞澤之會而附會之也

又北流十六里繞雞澤縣城分爲二支南爲文明河北爲興隆河皆東流入於城隍

謹案文明河首起縣東八里滄陽河西岸邢家隄  
山利民閘分支南流八里達於城隍又分流少北  
爲興隆河又東流八里達於城濠

其正流又北流十里逕東于自口入順德府平鄉縣  
東南境

明史地理志平鄉東有滏河萬歷三十年漳挾滏  
陽河北山會於沙洛諸河而漳水之舊流益亂

又北流十二里逕平鄉縣城東七里又東流十四里

逕油臺關折而東北流十二里逕豆店橋又屈而西北流十八里逕龐家莊入任縣東南境逕新店橋又北流三十里逕邢家灣則有縣東北大陸澤之水自雞爪河東流入焉

詳大陸澤及寧晉泊篇

二統志滏陽河案舊志明萬厯三十年漳水自平鄉縣與滏陽河合流注於大陸澤會諸河之水又東北流爲雞爪河入隆平縣界今漳水已不合滏滏水自平鄉又北逕任縣東北雞爪河會大陸澤

水自西流合焉自下通名滏陽不稱雞爪河皆與  
昔不同矣

謹案往時滏陽河挾漳河至任縣復會澧洛百泉

諸水入大陸澤貫澤而去

方輿紀要漳河自平鄉  
合沙洛諸流入南和縣

境又西北會於澧河而入任縣界澧河者上源卽  
百泉河也自邢臺縣流入南和縣境漳水及沙洛  
諸河俱流合焉 平鄉縣志東二十餘里爲舊漳  
河又東十二里有新漳河漳水流濁易決舊漳河  
又填淤不能容水每至漲溢則西入滏陽東入新  
漳而沙洛諸流亦不時泛濫與漳滏諸流合爲一  
壑民被  
其害 過隆平達於寧晉泊明嘉靖間發正順二

府民夫萬人濬自任縣之穆家口村迄於隆平縣之羊毛圪塔凡四十里其流大暢自萬厯中漳河泛濫由曲周入湓陽河湓陽亦決而東徙不復與洛澧諸河合於是澧河合諸流行其道貫澤北流當時稱東徙者曰新湓陽河

其東岸入鉅鹿西北境者長一百里又北流三十里迄范家莊入隆平縣東南境又名清水河

名勝志湓陽河歷曲周隆平入大陸澤俗呼爲清

水河自順德府任縣流入

又北流五十三里逕耿家莊入寧晉縣東南境又北

流三十五里逕浹口村則有縣東寧晉泊之水自新

挑河東流入焉

詳寧晉泊篇

又北流十里逕小河莊則有

灤河自正定府藁城縣東南流入焉

灤河滹沱河支流也詳見滹沱

篇河又折而東北流十五里入冀州西北境舊自保定

府束鹿縣南之百尺口合滹沱河

新挑河上游並灤河近年稍淤

一統志百尺口在束鹿縣南四十里又百尺溝在

寧晉縣東北六十里有百尺口村蓋其故瀆也滹  
沱河在東鹿縣南四十里自晉州流入順治十二  
年自晉州寨子口決入由縣東南百尺口入冀州  
界清水河

謹案百尺溝斯洩水之下流也今東鹿縣南四十  
里有百尺口說者以爲卽百尺溝水經注漳水篇  
白渠又東謂之斯洩水地理志云太白渠東至曲  
陽入洩河者也東分爲二水支津右出焉東南流



謂之百尺溝東南逕和城北又東南逕貫城西百尺溝東南散流逕歷鄉東南入泝湖東注衡水也考和城卽今晉州後漢書邳彤傳初爲王莽和城卒正註引東觀漢記曰王莽分鉅鹿爲和城郡在下曲陽貫城卽貫縣今東鹿縣晉州在東鹿縣西舊時斯浚水自井陘縣東南流至此而爲百尺溝又南流而散入泝湖當卽寧晉泊正在東鹿縣西南後浚河南流會洺河於趙州入寧晉泊其上

源斷流而溝尚存古溝入水之處必有口道後世因名之曰百尺口今乃爲滹沱會流之處古今水道之變也

入冀州西北營疙疸村爲滹沱會流河乾隆二十四年滹沱改流由晉州魯家莊入寧晉縣東北境分東西二支東由冀州營疙疸村入滹西由縣境營上村東入滹自冀州而北皆爲滹沱所奪不復名滹矣嘉慶六年以後冀州新河寧晉隄工俱有漫口河泊相

連民船商艘徑由冀州之柏牙莊新河縣之大田莊  
寧晉縣之侯家口等村入泊連年汕刷河形已成則  
又非復曩時故道矣

## 隄防

固城隄一名程公隄在磁州西南長三里一百四十步寬二丈五尺高八尺相傳宋程珣所築以防溢水小隄在磁州東南

磁州志州東南小堤一道長一里四十步寬二丈五尺高四尺

西閘在磁州西十二里槐樹村跨滏陽河明萬厯中知州孫健建初止一空十二年知縣劉安仁增爲七

空石堰長十二丈高五尺下爲石底廣一丈五尺兩  
端爲石臺高一丈二尺廣各半畝

本朝康熙二十二年知州蔣擢重修

磁州志山水暴漲常高於閘人無所施力冲決之  
患往往有之知州劉安仁增立閘七空又於閘之  
兩旁設立絞椿啓板甚便暴漲始不能爲害

東閘在磁州東北二十五里琉璃村跨湓陽河明崇  
禎八年知州李爲珩倣西閘建偏閘在磁州東城橋

康熙四十七年知州蔣擢建

磁州志東西兩閘之水西常有餘而東常不足乃於康熙四十七年於紅渠上建閘一座引水東流由廣濟橋而歸大渠之內

謹案雍正二年磁人於東閘北十里閻家淺建閘攔河名第三閘由是下流邯鄲永年二縣當春耕時不得沾溢水涓滴之利奉

旨兩省勘議割磁州入直隸廣平毀第三閘刻日分水始得

均利 部議畧議得總督李衛議覆張廷勳條奏  
磁州攔河三閘一案疏稱據河道趙國麟詳據磁  
永邯曲雞五州縣覆稱滏河一水向因磁州築閘  
任意啓閉以致水利不均今公同會議磁州東西  
二閘仍循舊例以三月爲始至八月終止定限十  
日輪流啓閉週而復始竊思三月至八月正田禾  
長養成粒之時倘遇雨澤稀少必待十日始得灌  
注恐磁永上下俱失水澤之利且滏爲商船往來

之道若必十日始放則商船於兩閘之間坐守一旬將來必致復有飲金買水之事均有未便應以五日爲限留水灌溉磁州則東西兩閘五日俱閉放水灌邯永等縣則東西兩閘五日俱開永杜爭訟 州議畧案磁州四閘有七洞每洞下板八塊每塊計一尺三寸爲度積水至板六塊即可分注溝渠至八塊而各田充足請自二月三十日以後將閘板全下每月開啟六次啟閉之法水底留板



六塊水面去板二塊使本地之溝水常存而下游之餘波不絕旣不開水以病鄰亦不竭上以益下東閘止一洞下板十三塊每塊以一尺爲度使與西閘同日啓閉水底留板九塊水面去板四塊每遇啓閉委官看視俟與板平卽止以一啓五日爲率由東閘而下閻家淺第三閘拆毀不許復建趙壘隄在邯鄲縣東北趙壘村南長六七里許明嘉靖三十二年築萬厯初知縣張第以不便議廢

沁河隄在邯鄲縣城南明正德中知縣韓駟築

明大學士李東陽築隄改渠記畧廣平之屬縣曰  
邯鄲在府治西南五十餘里漳溢之水抱其左葛  
堵邯紫諸山環其右有泉水出於紫山曰渚沁水  
東趨數十里抵縣城始折而北每秋雨暴至勢極  
湍悍無錫華君來知府事相地勢改河故道避城  
而北入於漳障以長隄高厚各三丈受水之處甃  
石百丈有奇貫以鐵定關鍵旁午沿堤植柳萬餘

根節交錯峙爲崇邱牢不可動始於正德甲戌三  
月至丙子十月而成

歐隄在邯鄲縣西半里明萬厯中知縣歐陽調律築  
亦以防沁水也

羅城頭閘在邯鄲縣東南五里之羅城頭跨滏陽河  
明萬厯中建

柳林閘在縣東三里柳林村跨滏陽河明萬厯中建  
蘇里閘在縣東北二十里蘇里村跨滏陽河順治初

建

謹案永邯二邑互爭水利自明萬厯以後無有止息

本朝以磁州收隸廣平郡既定分水之議而永邯分水亦定雍正五年磁永邯曲雞五州縣公議邯鄲界在磁州下永上地勢頗高向例自八月二十三日以後至次年三月二十三日以前始開閘蓄水澆地種麥若照磁閘之例五日啟閉則點水不能到

地無可溉麥今議以初九十九二十日每月開閉  
三月開日徹底盡啟以通商船至夜乃上板蓄水  
農民既灌溉有資船戶應期而至實爲兩得其平  
其永年以下山雞等處旣地勢低窪皆用兩旁偏  
閘進水並無攔河截水之大閘向係民間自行啓  
閉應從民便是年五月總督李衛准詳泐石河干  
永年縣護城隄在府治西南延袤三十里

二統志明嘉靖中築 廣平府志相傳築於竇建

德嘉靖間知府李騰霄增築

賈葛潭隄在永年縣城西南延袤三十里如複嶺然  
所以障溢水

方輿紀要賈葛口隄東沿溢河至府城東南復迤  
邐而北長三十里許

謹案溢陽河自邯鄲縣東北達於永年縣西南往  
時溢挾漳流駛波直注永年往往受害郡城亦虞  
冲決於是於邯鄲之東北趙壘村築隄以禦之使

溢水不得奔突郡城而復於永年縣西南築此隄  
護城隄內又有隄勢如複嶺皆明嘉靖中與趙壘  
隄同築也然趙壘築而溢水不得迅流遂致湮沒  
邯鄲由是萬厯間邯鄲令張第建議力爭趙壘遂  
廢而永之所恃以禦溢者惟此隄矣廣平府志謂  
明嘉靖萬厯迄於

本朝順治二年康熙七年溢水屢決隄至城下僅乃得  
免蓋彼時溢挾漳而來故其勢甚橫自康熙三十

三年漳河南徙溢水獨流久無決噉隄亦遂多殘  
缺因舊之功先時之防是在守土者焉 又案方

輿紀要永年縣溢水在府西南五里有隄東去城  
二里唐武德五年太宗攻劉黑闥於洛州別將程  
名振載鼓六十具於城西二里隄上擊之城中地  
皆震動卽溢陽河隄矣然則護城隄豈卽唐隄之  
遺址耶又往時兵興郡城恃溢水爲固自金防禦  
使伯德特離補引溢陽河水護城盜不能入厥後



元時亦踵其計至明末流賊之禍尤恃溢以限賊  
騎然皆決隄放水雖濟一時之急而隄亦從此傾  
壞府志載城南迤東沿隄之口鐵鍋口蓮花口鳳  
凰口娘娘口四口以備導泄明末兵興知縣宋祖  
乙倣金元引水護城郡人申佳允疏請挑外口以  
守關全城賴之而鐵鍋決口河東村莊漂溺殆盡  
則修築之功在無事時尤宜講也

愚民閘在永年縣西南十里閘村明嘉靖間知府高

汝行建萬厯十三年知府蔣以忠重修

廣仁閘在縣西二十里賈葛村明萬厯四十二年知府張和中建今廢

普惠閘在縣西南十六里馬到固明嘉靖四十二年知縣朱泰建

便民閘在縣西南十五里大慈村明萬厯間知府蔣以忠建

益民閘在縣西南十四里新莊康熙四年建

廣濟閘在縣西南十二里閻村明崇禎十四年知縣郝綱建

濟民閘在縣西南十一里王家莊明嘉靖間知府柳希玘推官楊沛建

潤民閘在縣西南十里西閻村明萬厯間知府蔣以忠建

阜民閘在縣西南五里田家堡明嘉靖間知府翟晟建萬厯間知縣馬重修

利民閘本名惠民閘在縣東南五里明成化間知府朱進建二十三年知府王衡重修改今名

本朝順治中知縣余維樞重修

永年縣志引水入濠灌環城之田諸閘惟此最先疑卽元人舊跡廣平府志灌田之餘引以入濠於是乃有菡菖葭莢之利李進自記於河隄高厚處開溝續用椿木磚石包砌臨河閘二座引水灌田二閘東西開總渠一道南北分開副渠六道副

渠之間又各開水渠支分區別以便澆灌閘口設  
老人一名夫三十名總渠設總甲一名副渠設小  
甲六名各蠲徭役責令看守 重修利民閘記畧  
利民閘創自城西諸閘之先臨淦陽河上就大隄  
決渠導水灌田七百餘畝有總渠副渠凡六道副  
渠之間各有小渠支派井如又設老人渠長總甲  
小甲爲約束啓閉以時運灌以次侵奪者有罰著  
爲令厯年旣久水嘴址不治河亦改徙故道順治

丙申余承乏茲邑會郡守許公講求水利相與鳩工治事徙舊址稍東表裏建閘濬開溝洫一準諸前法乃隨引水至城南漲則閉之俾水循河故道負郭斥鹵悉成沃壤

安民閘在縣東南五里東橋明嘉靖間知府柳希玘建

便民閘在縣東北五里借馬莊順治十三年知縣余維樞重修

惠民閘卽通水閘故址也在縣東北三里雍正八年  
建高一丈六尺寬二丈五尺長四丈砌以磚石外築  
月隄以護閘口

賈葛潭溝閘在永年縣東北三里半小漳河東岸乾  
隆二十八年開濬溝潭因建此閘

曲周縣護城堤在縣西南十二里滏陽集時漳河自  
此入滏築堤禦之自集抵城東至馬疇村長三十里  
使不得直北注於城

溢河東岸隄在曲川縣東三里乾隆四年知縣周顧  
勲築五年知縣陸拱辰增修

宏濟閘在山周縣東北濟川橋南明嘉靖中知縣王  
友賢建今廢

護城閘在縣城東明萬厯中知縣趙允昌建今廢  
七岔路閘亦王友賢建今廢

雞澤縣護城隄四周高一丈廣八尺明嘉靖二十年  
知縣高希增築以防漳溢沙洺之水



滏河隄在雞澤縣東滏陽河西岸高一丈四尺廣一丈二尺長十五里明築

雞澤縣志滏河隄在縣東定例五年一大修主修三村曰舊城營邢家堤東於口協修各村曰三貫莊庫史莊丁陳莊附馬寨靳家莊槐玉橋常家莊於林要四河口司馬堡郝莊八家寨臺頭賈莊葉柳營東馬方營程官營東安上西於口劉家莊北馬方營三青隄龍泉各村案牘分段授工加高培

厚每年小修各按地頭填補或有塌卸處所隨時修整

新河隄在雞澤縣西南起馮鄭村訖亭自頭長二里康熙七年知縣姜昭築

七利閘在雞澤縣東沿文明興隆二河開子溝七道南四北三各爲閘以蓄洩之自一至七以次而名乾隆十八年知縣王光燮建

利民閘在縣東六里邢家堤溢陽河西岸乾隆九年

知縣李世基建

青龍閘在縣城東北隅興隆河入城濠處也乾隆十七年知縣王光燮建

文明閘在縣城東南隅文明河入城濠處也乾隆十八年知縣王光燮建

平鄉縣滏陽河隄在平鄉縣東起自縣東南界南接雞澤縣界北抵任縣界東岸長三十五里三百餘步西岸長四十一里二百餘步高五六尺至七八尺正

統二年知縣邱陵修築今東岸隄多廢

落漠河隄在縣西南北循落漠河東岸北抵南和縣

界長六里正統六年知縣邱陵修

謹案此卽劉界河隄也

安東隄在縣東南三十里起自縣東三十八里麟兒

莊訖於縣東南二十六里姚家莊介舊漳河新漳河

之中斜長十六里所以障漳河之泛漲於曲周者也

奠中隄在平鄉縣東十里起自縣東南十六里訖於

縣東北三十六里介於滏陽河舊漳河中長六十里

所以障漳溢二河之泛漲於雞澤曲周而入縣境者  
也

鎮西隄在縣南五里起自縣東南八里溢陽河西岸  
遶縣城而西訖於鄉西北十四里任縣界長三十四  
里所以障溢陽河之泛漳於雞澤而北注者也

平鄉縣志宏治十五年諸河皆溢知縣唐澤請與  
曲周各沿新河聯築長隄以障溢水五口隄成而  
曲周苟且塞命乃卽其側築斜隄屬於舊漳之左

未幾曲周果決水抵斜隄而還名曰安東隄請於  
雞澤南和各修舊隄恐其或類曲周乃於漳東溢  
西兩間斜築長隄以相聯而邑西無患名曰鎮西  
隄二隄成而東西河古廟麟兒小寨四村置安東  
外南北柴村蘇頭寨東西新寨五村置鎮西外均  
免其門頭修築軍需車騾等役永爲定例溢東隄  
舊越雞澤羅官營抵曲周五間房而止水發每自  
彼溢唐公乃接築斜隄上屬於舊漳隄右而邑中

無患名曰奠中隄

謹案鎮西安東奠中爲平鄉縣之大隄皆明宏治十六年築計共長一百七十里址濶三十丈高十丈頂闊十丈其城濠四周又有護城隄所以防水患者至矣蓋縣境低窪曲周雞澤漳滏二水汎流北注皆逕縣界以達於任縣之大陸澤故其防之周密如此然惟鎮西一隄爲防溢要害安東奠中皆以防漳今漳河南徙昔之防漳者轉以防滏矣

故詳志於此

復興閘在平鄉縣東南八里張家橋西滏陽河西岸  
乾隆十二年知縣楊喬重修

文明閘在縣東七里郭家橋南滏陽河西岸明萬厯  
六年知縣何允升建

本朝雍正元年知縣趙道元重修

霍林閘在縣東六里郭家橋北滏陽河西岸  
洪濟閘在縣東北七里橫頭橋滏陽河東岸



樂利閘在縣東北十二里馬莊橋南淦陽河東岸  
游召閘在縣東北二十里游召村淦陽河東岸

均利閘在縣東北三十里豆莊橋南淦陽河西岸

祥瑞閘在縣東北三十二里王仲義橋北淦陽河北  
岸明萬厯中建

謹案以上六閘統謂之利民閘皆明萬厯三十年  
知縣蔣廷儀建

本朝雍正三年知縣趙道元重修今以淦陽河上流磁

州邯鄲永年雞澤層層蓄水水流甚微艱於資用  
諸閘皆廢

任縣滏陽河隄起自縣東南上接平鄉界迄於縣東  
北下入鉅鹿縣界西岸

禪堂閘在任縣東北又北爲郝家閘又北爲牛家閘  
俱在滏陽河西岸牛家閘又東北爲胡家閘胡家閘  
西北爲王家西閘東爲王家東閘又北爲李家閘俱  
在東岸又趙家閘在朱家閘西北又北爲賈家閘俱

在西岸又北爲朱家閘又北爲牛辛閘俱在東岸牛  
閘西爲劉家閘在西岸又北爲永濟閘跨淦陽河中  
俱雍正四年建

謹案永濟閘明萬曆二十八年知縣徐璘所建復  
爲子閘曰天口田家莊吳家口鄧家口王家灣賈  
家莊邊家莊恒利共八座天口卽今郝家閘王家  
灣卽今王家東西閘餘閘皆雍正四年循舊迹興  
復並爲增添耳

雞爪閘在任縣東北五十里邢家灣滏陽河西岸爲

大陸澤溢水交通處明建

並詳大陸澤雞爪河

東岸涵洞在縣東北沿滏陽河東岸凡九十一道在新店村者九南新莊者十八北定村者十四大口村者十五田玉莊者八甄莊者十二邊家莊者八黃家莊者五邢家灣者二

西岸涵洞在縣東北沿滏陽河西岸凡九十道在靳店村者十三劉家莊者十九北定橋者八天口村者

十三甯家莊者六甄莊者十八邊家莊者五黃家莊  
者七邢家灣者一

鉅鹿縣滏陽河隄在縣西北二十里長一里一百七  
十三丈九尺

樂利隄一名長隄在縣西境起自縣南十五里平鄉  
縣交界大宋岡迤達縣境西南折而西又環而北迄  
於縣北五十里之杜家常路南連平鄉西界任縣北  
接隆平回環長一百餘里高六七尺至八九尺廣八

九尺至三丈以防溢陽河水之東溢入縣境明宏治間築

本朝順治十三年知縣傅登庸重修

張莊閘在鉅鹿縣西北二十里張家莊溢陽河東岸引渠東流達於樂利隄西郭村涵洞乾隆九年知縣張文莊建

范家莊閘在縣西北二十五里范家莊溢陽河東岸引渠東南流達於樂利隄鹽池涵洞乾隆十二年知

縣張文莊建

永賴隄在隆平縣東南境自縣東南上接鉅鹿縣界迄於縣東北下入寧晉縣界長五十三里

范家莊閘在隆平縣東南范家莊北滏陽河南岸又西北三里爲漣子坑閘在西岸俱乾隆十三年建又東北三里爲北鹽池閘在東岸係十年建又北五里爲白家寨閘在東岸明建又西北四里爲西門莊閘在西岸雍正十三年建又東北一里爲馬欄閘又北

五里爲任村閘俱在東岸明建又西北一里爲楊家樓閘在西岸明建又東北爲牛家橋閘在東岸雍正元年建又北二里爲徐麻營閘在東岸明建又西北二里爲蘇家莊閘在西岸乾隆五年建又東北四里爲千戶營閘在東岸雍正五年建又西北二里爲獅子圪塔閘在西岸乾隆六年建又北六里爲棗陀村閘在西岸乾隆二年建又東北二里爲連仲村閘在東岸又北二里爲馬家臺閘在西岸又東北一里爲



趙家臺閘在東岸俱乾隆六年建

寧晉縣滏陽河隄在縣東西兩岸各長五十五里高八尺頂寬一丈二尺底寬五丈乾隆二十八年重修新挑河隄在寧晉縣東北長十一里七分高一丈頂寬一丈二尺底寬四丈七尺

謹案滏陽河隄起自磁州訖於寧晉寧晉而下爲滹沱所奪水力强悍藉隄捍禦尤爲吃緊然自發源以訖下尾皆用民修頗不堅固曲雖平任時患

橫溢翼衡之間冲決彌甚畿輔通志謂滏河隄岸  
例係瀕河村莊修築工多力少難免潰決應照千  
里長隄之例將該州縣所有隄工丈尺查明通邑  
里甲攤派均修造冊存案永著爲令工少人多自  
成鞏固矣 又案廣陽隄廢滹水南趨將寧晉縣  
洩口冲決淤塞大營上村河槽致有改道附錄奏  
畧於後 嘉慶十三年總督溫承惠奏畧滏陽河  
因乾隆五十年間廣陽隄工漸次坍塌成深坑

難以修復潯水漸向南趨嘉慶四年六七月間潯水異漲致將寧晉縣浚口冲决淹及河東邱頭冀州南田等村其寧晉縣之大營上村一帶河槽俱被淤塞近年來因冀州新河寧晉隄工俱有漫口通連寧晉泊鹽艘商船皆由冀州之柏牙莊新河縣之大田莊寧晉縣之侯家口等村挽入寧晉泊前進河泊相連積潦難涸自應將耿家莊等處分段挑挖成河俾商艘民船不致阻滯

詳寧晉泊篇

橋渡

滏陽橋一名偃月橋在磁州南一里跨滏陽河上甃石長十丈金泰和四年建元至正中重修

元王惲秋澗集磁山石橋記畧滏水西來距城四十里而近又五里東合於漳方夏秋霖潦水循厓而下漳水洶怒則激流而上滙於觀魚亭下者三丈有奇吞長隄滅兩涘歲剗時復波蕩水滴我惟識覺公和尚臧之乃代木以石易脆以堅臨終以

命其徒善仙俾鳩工垂四十年僅克有成廣容兩  
軌袤以十丈旁鑿二空以洩水怒蓋經始於世宗  
龍飛遼東之初而斷手於聖上鳳集鼓山之年  
利濟橋在州西五里通武安縣

東石橋在州城東明萬厯中建

良方橋在州東北長二丈順治十五年建

張潛良方橋記畧磁爲後魏臨水地太行諸山峙  
其背滏水出鸞鷟神麝兩山麓下潺潺西折而南

又折而東蓋環城三面焉城百雉崔巍池廣十丈  
深二丈長堤周屬高廣各丈有奇其水則西引滏  
河自五爪渠注之城東隅池岸去滏河二百武許  
地勢窪薄土人決隄洩水遂不可塞久之衝嚙近  
隄六七丈皆圯巡憲楊公莪蒿來治鄴都乃建橋  
水口上亘二丈濶丈有二尺高二丈公名春芳北  
直興濟人是役也捐金襄之者州牧張君端午遼  
東人

紙坊橋亦名利濟橋在磁州西紙坊村跨廣盛泉上  
甃石長十八丈康熙三十六年建

永固橋在州北二十里高庾鎮康熙三十八年知州  
蔣擢建

琉璃橋在州東北二十里下琉璃村

東城橋在州東北東城營

以上俱石橋跨滏陽河上

永濟橋在州城北門外明萬曆十三年知縣張夢麟

建

廣濟橋在永濟橋北康熙三十八年知州蔣擢建

以上二橋皆石橋跨五爪渠上

梁王橋在州北二十里鋪甃石跨北大渠上明正德  
中建

濯纓橋在州北三十五里跨牯牛河上康熙三十八  
年知州蔣擢重建甃石長五丈廣一丈五尺

張莊橋在邯鄲縣南張家莊甃石跨滏陽河上明建



又北爲羅城頭橋又北柵林橋又北爲南蘇橋又北  
蘇橋又北爲馮村橋又東北爲買葛口橋又東北爲  
唐家屯橋皆木橋惟北蘓爲石橋俱跨淦陽河上

學步橋在邯鄲縣北關外甃石跨沁河上明萬厯中  
知縣王曰善建

市橋在邯鄲縣西門外相傳戰國時趙王建下有鐵  
牛鐵柱今廢

渚河渡在邯鄲縣南五里

安惠橋在永年縣東南十里南閭村

廣濟橋在郡城南五里明嘉靖二十三年建

開子橋在郡城東南隅

宏濟橋亦名馬頭橋在郡城東五里

以上皆石橋跨滏陽河上

滏陽橋在曲周縣西南十二里滏陽集橋南卽漳河

支流入滏處也又城南三里爲南新橋其東北三里

爲濟川橋

順治中知縣李時茂重建雍正九年知縣張若巖重修

北五里爲七

岔路橋又北十里爲馬疇橋皆木橋跨淦陽河上

舊城橋在雞澤縣東南十里舊城村又北爲邢家橋  
又北爲東於口橋皆跨淦陽河上

隄西橋在平鄉縣東南八里鎮西隄所起之處又北  
六里爲郭家橋又北三里爲徐家橋又北五里爲夏  
莊橋又北四里爲馬莊橋又北五里爲田莊橋又東  
北五里爲游召橋又東北六里爲尹村橋又北五里  
爲寶莊橋卽寶二疇橋又西北五里爲重疇橋皆木

橋跨淦陽河上

小石橋一名落漠口橋在平鄉縣西七里甃石跨落漠河上乾隆十二年重修

晉濟橋在任縣東南三十里辛店村長六丈五尺又北五里爲南新莊橋又北二里爲北定橋又北六里爲天口橋又北四里爲甃莊橋又北八里爲邢家灣橋又北二里爲邊家橋皆石柱木梁跨淦陽河上多建自前明惟天口邊家雍正間修餘皆乾隆間重修

蓮子坑橋在隆平縣東南又北八里爲白家寨橋又  
北十里爲馬欄橋又北五里爲任村橋又北七里爲  
牛家橋又北九里爲蘇家橋又北四里爲千戶橋又  
北二里爲獅子圪塔橋又北六里爲棗陀橋又北四  
里爲馬臺橋皆木橋跨淦陽河上皆明建惟蘇家橋  
康熙五十九年建

耿家莊橋卽普濟橋在寧晉縣東南三十里耿家莊  
甃石長八丈廣一丈八尺高三丈乾隆五年建又北

四里爲孟家莊橋卽小河口橋又北五里爲小河橋  
斃石長二丈廣一丈八尺乾隆二十二年重修又北  
三里爲舖頭村橋斃石長四丈廣二丈高一丈八尺  
乾隆九年重修又北五里爲洩口橋又北六里爲營  
上橋

新挑河石橋一名永濟橋在寧晉縣東二十五里東  
汪村洩河尾新挑河之首斃石長三丈五尺廣一丈  
六尺高一丈二尺乾隆十一年建

謹案一統志冀州清河縣北三十里有滏陽橋按  
東鹿縣界今滏爲滹沱所奪自入冀州境已不得  
專以滏名故不載

祠廟

黑龍洞龍神祠在磁州西四十里神鷹山山半有明月關關內有龍神像蓋祠溢水之神

謹案太平御覽引水經注溢水發源石鼓山南巖下水上有祠能興雲雨蓋逸文也今鼓山有廟名晉祠所祀非水神

分水龍王廟在磁州西十二里槐樹村明萬歷十五年州牧孫健建西閘分五瓜渠磁人立廟以配祀溢



河神後增祀州牧劉安仁顧頤李爲珩趙纘將擢歲  
以二月致祭

水神祠在永年縣西南十里閭村惠民閘上明嘉靖  
九年廣平府知府高汝行建

謹案名勝志永年縣有溢口祠佛圖澄傳曰石虎  
時自正月至六月不雨澄詣祠稽首暴露卽有二  
龍降雨祠下考澄降龍之處據太平御覽所引水  
經注佛圖澄別傳當在鼓山鼓山一名溢口山卽

淦水發源處永年縣不應有淦口祠畿輔通志亦  
謂淦口在府城南豈後人訛淦口於此故爲立祠  
歟

河神祠在曲周縣東三里以祀淦陽河神也

水利

磁州

東閘引溢陽河水南渠灌閘南村小狼圪塔等村  
渠長十里北渠灌辛莊營馬兒莊徐家莊王家莊  
胡家莊北豆公柳兒營太平莊小馬莊吳家莊南  
豆公南左良北左良鄭家莊屯莊吳家莊等村渠  
長三十里西渠灌杏園村琉璃鎮大營村小營村  
東城橋等村渠長二十里共灌水田四百一頃四

十村

高輿村渠引滏陽河水灌本村地渠長二千四百  
二十步濶一丈三尺深八九尺

州西北務本村張家莊量斗莊州東北太平杏園

諸村營田引滏陽河水仍洩水於本河自雍正四

五兩年計營莊稻田十萬餘畝

畿輔通志案元臣郭守敬言滏陽河

水由滏陽郡鄆澤州永年下經雞澤合入滏河可灌山三千餘頃近因磁人舍本逐末多種煙葉旋苗稻田漸減又緣地居上游閉閘築壩鬻水罔利而下流不獲沾勻水之潤雍正四年經賢王奏請

改歸直隸統轄道員分定水限均利息爭又勸州  
民種稻以重本計栽至十萬餘畝風移俗易所謂  
令如流水  
之源者矣

### 邯鄲

羅城頭閘渠二皆引滏陽河水一東流灌羅城頭  
左西村中堡南堡一北流灌北堡小東屯柳林橋  
岳家莊東城角郝家莊秦場村

柳林閘渠二皆引滏陽河水一東北流灌中柳林  
東柳林兼葭莊炮臺寺填池村南屯頭北屯頭上

壁村唐家莊一東流灌程家莊張家莊東來馬臺  
西來馬臺南蘇曹橋胡村燕家莊馮村三家村鵝  
池村

蘇里閘渠二皆引潞陽河水一東流灌蘇里村七  
方村招賢屯王家賈村賈葛口一北流灌東趙壘  
皮條屯呂固屯劉固村盧英堡王化堡

永年

城西八閘自閘而出爲總渠自總渠而分流爲副

渠自副渠支分爲小渠共灌田一千九百餘頃雍正四年因八閘舊制引潞陽河水洩水於郡北牛尾河五六七八等年西南張家莊南胡賈村北胡賈村趙家莊大隄北共營田一百八十七頃一十八畝三分

曲周

宏濟閘渠明嘉靖中知縣王友賢開引潞陽河水

灌田今廢

廣平府志明嘉靖中知縣王友賢於濟川橋南建宏濟閘鑿渠灌田旋因漳水

淤塞迨渟水去則地高於河不能受水柴閘前廢  
謹案曲陽縣尚有趙兒寨東南閘七岔路閘東  
南閘以導滏水之入宏濟閘七岔路閘以導  
滏水之出因以灌城壕且溉近地今皆湮廢

### 雞澤

利民閘渠有二皆引滏陽河水南爲文明河北爲

興隆河南北建七小閘分子溝七道灌城東吳家

莊張路固臺頭村城東北郭家莊程官營龍泉寺

城東南司麻堡諸村地三百餘頃

雞澤縣志滏水入境其流甚微

初播種時水不至惟秋末  
開閘灌田可以多種二麥



平鄉

復興閘引滏陽河水灌東閘莊西閘莊晁家莊董  
南莊柴口村地渠長七里文明閘引滏陽河水灌  
郭家村郭李莊城東南地渠長六里二閘共灌地  
凡二十頃餘

沿隄涵洞滏陽河兩岸長四十里有奇共百餘穴  
沿隄井眼東西各村共八百九十三共灌畦地九  
十頃餘

東豆二莊周章村重義墮東北汕召村崔家莊董  
村引溢陽河水仍洩水於本河雍正五年七年共  
營治稻田十九頃六十畝九年收旱田十八頃四  
十畝

〔謹案〕平鄉縣尚有霍林宏濟東利游召祥瑞  
五關皆明萬厯中知縣蔣廷儀建今皆廢

### 鉅鹿

張莊閘渠引溢陽河水入樂利隄渠長六里滿東  
郭城西郭城張威村帑坊房村進序寨五村地二  
十三頃五十畝

范莊閘渠亦入樂利隄長六里灌鹽池柳窪油房  
大韓小韓五村地十二頃三十畝

任縣

東埝閘渠凡五閘胡家閘灌田王莊地二十九頃  
五十三畝三分王家閘李家閘灌甄莊地七十六  
頃二十畝朱家閘灌邊家莊地二十五頃八十六  
畝八分新寨閘灌新寨地三百三十五頃二十八  
畝西埝閘渠凡七閘禪堂閘灌劉家莊地四十二

頃五十九畝郝家閘灌天口村地五十五頃九十  
六畝牛家閘王家閘灌寧家莊地七十八頃七十  
九畝甄莊閘賈家閘灌甄莊地一百八十九頃一  
十八畝九分劉家閘灌黃家莊地九十五頃四十  
八畝

東岸涵洞凡九十一道灌新店村南新莊北定村  
天口村田玉村甄莊邊家莊黃家莊邢家灣九村  
共三百五頃六十五畝

西岸涵洞凡九十道灌新店村劉家莊北定村天  
口村寧家莊甄莊黃家莊邢家灣九村地二百七  
十四頃五十三畝

縣東北邊家莊牛新寨孫家莊正北西北張村大  
北張村引溢陽河并牛尾河水仍洩水於本河雍  
正五年七年共營治稻田一百頃二十三畝五分  
九年改旱田八十一頃七十九畝二分

隆平

東岸開渠有十引溢陽河水灌范家莊白家寨馬  
欄村任村牛家橋徐麻營千戶營獅子圪塔連仲  
村趙家臺十村地一百七頃餘

西岸開渠有七引溢陽河水灌蓮子坑北鹽池西  
閻家莊楊家樓蘇家莊棗陀村馬家臺七村地八  
十餘頃